

# Aotelega o lipoti faavae



## Social Cohesion Guide

### Social cohesion – aotelega

O loo faailoa atu i le faamaumauga lenei le auala e fua i ai tulaga lelei ua ausia e tusa ma taunuuga po o iuga o tatou fia vaaia mo le social cohesion i Aotearoa Niu Sila. O le ausia o taunuuga lelei o social cohesion nei e faapena ai ona tatou latalata i le ausia o sini autu aoao po o le tofa mamao o se Aotearoa Niu Sila e “ola lauusi faatasi ai tagata, aiga, whānau ma tagata lautele.”

Tatou te iloa pe o lelei tulaga ua tatou ausia i le social cohesion e auala i le iloiloaina o galuega o tatou faatino e fua i luga o faamatalaga o taunuuga e lima nei:

O le aotelega o le social cohesion o se lipoti o faamatala ai foliga o le social cohesion i Aotearoa Niu Sila ma e faavae i luga o faamatalaga o maua. Ua saunia ai se taatiaga o tulaga e fua i ai le social cohesion i le lumanai.

I Aotearoa Niu Sila, e maua e tagata le social cohesion pe a fesootai ma maua le lagona talisapaia, e mafai ona auai, e amanaia ma maua le va fealoai, e tutusa faiga e laugatasia uma ai ma e faatuatuaina e le tasi le isi ma e faapena foi i faalapotopotoga a le malo.

E tatau ona saogalemu, faaaofia uma tagata ma lagolagoina tagata i nofoaga o galulue, tafafao ma aooga ai ina ia mafai ona ausia se social cohesion; ma e tatau ona tutusa ma mafai e la tatou faiga faavae ma auaunaga ona tali atu i manaoga ma faaletonu eseese.

E le tasi se faiga e fua i ai le social cohesion i Aotearoa Niu Sila, ma o le mea lea e tatau ai ona tatou faaoga le tele o alagaoa o maua mai ai faamatalaga ma faamaumauga ina ia maua se malamalamaaga i foliga o le social cohesion.

Na matou faaoga alaga o faamaumauga ma suesuega na aoina mai i le va o le 2016 ma le 2021. E tusa ma tulaga lautele, sa maua faamatalaga i tulaga lelei e fesootai i le social cohesion, ae iai taimi e maua ai faamatalaga e le o atagia ai le lavelave o faaletonu e fesootai i le social cohesion. Mo se faataitaiga, o faamatalaga ua faamaopoopo ma aoina mai e le o mafai ona faaoga e siitia ai le malamalama i le social cohesion mo vaega toalaiti i totonu o le atunuu.

Ua faailoa mai faamatalaga le toatele o tagata o nonofo i Aotearoa Niu Sila e maualuga le lagona talisapaia, faatuatuaga, auai i meafai ma le soifua manuia. Ae ua faailoa mai ai foi e le o se tulaga lea o maua ai tagata uma. Mo se faataitaiga, ua faailoa mai faamaumauga e maua e Māori le lagona talisapaia e auala atu i o latou aiga ma tu ma agaifanua, ae e maualalo le faatuatuaga i le malo ma e itiiti na auai i aoga, galuega ma palota.

E le gata i lea, ua faailoa mai foi i faamatalaga le avea ai o faiga faailoga tagata ma faalavelave sili i le social cohesion i Aotearoa Niu Sila. O nisi o vaega o tagata e maualuga atu faiga faailoga tagata faasaga ia i latou, e pei o tagata o tau toefuatai se olaga fou i le atunuu (sulufai) ma tagata fai mai, e o mai Asia ma Atumotu o le Pasifika, o se matua nofo toatasi ma tagata e leai ni galuega. E toatele tagata ua feagai ma le tele o ituaiga faiga faailoga tagata i le taimi lava e tasi, ma ua faateleina ai tulaga e le lelei na maua ai. Mo se faataitaiga, o tamaitai ma rainbow communities (LGBTQIA+) na maualuga atu tulaga na feagai ai ma faiga faailoga tagata, ae iai eseese i faiga faailoga tagata e tagata i totonu o vaega nei ma e faalagolago le eseese o tulaga nei i lo latou ituaiga tagatanuu po o manaoga faapitoa, ma isi.

Ma le vaega mulimuli, ua faailoa mai i faamatalaga e mafai ona sili atu le eseese o tagata mai ituaiga tagatanuu o umia tofi maualuluga i galuega a le malo ma auaunaga lautele. O se faiga lea e sili atu ona atagia lelei ai foliga o tagatanuu i Aotearoa Niu Sila.

E telē le afaina o le social cohesion i Aotearoa Niu Sila ona o le COVID-19 i tulaga e lelei ma tulaga e le lelei ai. Mo se faataitaiga, e toatele tagata na tutu faatasi e lagolago le tasi i le isi, ae toatele foi tagata e lei mafai na vaai tino i aiga ma uo, ma avea le faamai o salalau i le lalolagi ma tulaga ua faatupulaia ai faaletonu o le tino ma le mafaufau. Ma o loo tupu pea nisi o aafiaga mai le salalau o le COVID-19 i le lalolagi.